

3 Actio moralis vel est simplex, vel mixta.

4 Simplex est, quæ est unius ejusdemque naturæ.

SCHOL. Dicitur etiam actio pura, item homogenea, quia nihil quicquam contrarietatis aut pugnae ad eam concurrat.

5 Simplex actio est vel spontanea, vel invita.

6 Spontanea est, quæ fit ex hominis propensione & notitiâ.

SCHOL. Ut actio spontanea sit, tria requiruntur, 1. naturæ ductus, qui est inclinatio. 2. notitia circumstantiarum omnium & singularum. 3. assentiens voluntas. Hæc actio si antecedit habitum moralem, causa est virtutis; si sequitur, effectum est. Hinc est quod Aristot. τὸ ἐκείσιν definit ἡ δὲ ἐν αὐτῷ εἶδεν, τὰ κατ' ἐνάσαι, ἐν οἷς ἡ πρᾶξις. Talis actio etiam esse potest sine præeunte consultatione, ut si quis agit irâ vel aliâ cupiditate præoccupatus, dicitur actio ἀπεροβούλουτος, item ἀπεροαίριτος.

7 Invita actio est, quæ fit præter & contra hominis mentem.

SCHOL. Sic enim Arist. lib. 5. Ethic. Nicom. cap. 1. τὸ ἀκείσιν, τὸ βία ἢ δι' ἀγνοίαν γινόμενον, id est, invitum est, quod vi aut per ignorantiam fit. Quicquid autem hujusmodi est, præter agentis mentem est.

8 Invita actio est aut violenta, aut per ignorantiam.

9 Violenta est, cujus principium est extra agentem contra agentis propensionem & voluntatem.

SCHOL. Sic Aristot. lib. 3. Ethic. Nicom. cap. 1. βίασιν ἡ δὲ ἐξ ἄλλου θιαύτη ἔσαι, ἐν ἣ μὴδὲν συμβάλλεται ὁ πράττων καὶ ὁ πάσχων; id est, violentum est cujus princi-

F

*Dicitur etiam
Violentum sim,
pliciter et absq,
citate*